	«AVTO-VIP.ONLINE» ТРАНСПОРТ ВОСИТАЛАРИНИ ИХТИЁРИЙ СУҒУРТА ҚИЛИШ УЧУН ОММАВИЙ ОФЕРТА	FK-117/K1,3,10
		1-бет 1 бетдан

**«AVTO-VIP.ONLINE » ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН ОММАВИЙ ОФЕРТА**

Ушбу Оммавий оферта (бундан буён матнда Оферта деб юритилади) «GROSS INSURANCE» МЧЖ нинг (бундан буён матнда Суғурталовчи деб юритилади) номаълум доирадаги жисмоний шахсларга (бундан буён Суғурта қилдирувчи деб юритилади) йўлланган қуйидаги суғурта шартларида суғурта шартномасини Суғурталовчининг ахборот тизимлари воситасида тузиш таклифи бўлиб ҳисобланади. Суғурталовчи ва Суғурта қилдирувчи шартнома тарафларидир.

Мазкур Оферта шартларининг қабул қилиниши ва шартлашилган суғурта мукофотининг тўланиши унинг шартларини акцептлаш ҳамда Суғурта қилдирувчининг Суғурта шартномасини тузишга розилиги бўлиб ҳисобланади. Суғурта қилдирувчи томонидан суғурта мукофоти тўланганлиги факти тасдиқланганидан кейин унга электрон суғурта полиси юборилади ва Суғурта шартномаси тузилган деб ҳисобланади.

Суғурталовчининг мажбуриятлари (суғуртанинг амал қилишини бошланиши) Суғурта қилдирувчи томонидан транспорт воситаси Суғурталовчи филиалларининг офисларидан исталганида кўздан кечиришга (мониторингга) ва фото/видео қайд этишга тақдим этилганидан кейин, шунингдек Суғурта қилинган транспорт воситасини (бундан буён матнда ТВ деб юритилади) Ташқи кўздан кечириш далолатномаси имзоланганидан кейин кучга киради. ТВ ни Ташқи кўздан кечириш далолатномаси Суғурта қилдирувчи томонидан суғурта полиси олинган пайдан эътиборан 30 (ўттиз) кун ичида имзоланмаган тақдирда, Суғурта шартномаси тузилмаган деб тан олинishi мумкин ва тўланган суғурта мукофоти Суғурта қилдирувчининг Суғурталовчи раҳбариятига йўлланган ёзма аризаси асосида қайтарилиши лозим. Суғурта шартномаси тузилмаган деб тан олинishi муносабати билан суғурта мукофотини олиш учун Суғурта қилдирувчи Суғурталовчига суғурта полисида кўрсатилган муддат тугашига қадар мурожаат қилиши керак.

Ўзбекистон Республикаси Фуқаролик кодексининг 370-моддасига мувофиқ Оферта шартларини қабул қилиниши мазкур Оферта шартларини сўзсиз қабул қилинганлиги деб ҳисобланади ва у билан қуйидагиларга розилик ифодаланади:

– мазкур Оферта шартлари, жумладан унда баён қилинган суғурта шартларига розилик;

аризани тўлдиришда кўрсатилган шахсга доир маълумотлар билан суғурта фаолиятини амалга ошириш мақсадида автоматлаштирилган ёки автоматлаштирилмаган тарзда ишлов бериш йўли орқали 5 йил муддатга ишлашга, жумладан уларни йиғиш, тизимлаштириш, тўплаш, сақлаш, аниқлаштириш, улардан фойдаланиш, уларни эгасини кўрсатмаслик, блоклаш, йўқ қилишга (йўқ қилиш ҳақида хабар қилмаган ҳолда), шунингдек суғурта шартномасини бажариш, ички ҳужжат айланмасини таъминлаш мақсадида учинчи шахсларга уларни беришга розилик.

Суғурта қилдирувчи Суғурталовчининг интернет ресурси воситасида Суғурта шартномасини тузиш натижасида ўз ҳуқуқи ва муомалага лаёқатлигини тасдиқлайди, шунингдек ўз зиммасига юклатилган мажбуриятлар юзасидан жавобгарликни англайди.

Суғурталовчининг интернет ресурсида онлайн тарзда Суғурта шартномасини тузиш учун Суғурта қилдирувчидан унинг электрон почта манзили ва мобил телефон рақами мавжудлиги талаб қилинади.

Суғурта қилдирувчи томонидан Суғурталовчининг интернет ресурсида Суғурта шартномасини тузиш учун зарур ва муҳим бўлган барча маълумотларни киритиш Суғурта учун ариза бўлиб ҳисобланади.

Суғурталовчи «Суғурта фаолияти тўғрисида»ги Ўзбекистон Республикаси Қонунининг 26-моддаси талабларига мувофиқ Суғурта қилдирувчи ва Суғурта шартномасида кўрсатилган бошқа

	<p align="center">«AVTO-VIP.ONLINE» ТРАНСПОРТ ВОСИТАЛАРИНИ ИХТИЁРИЙ СУҒУРТА ҚИЛИШ УЧУН ОММАВИЙ ОФЕРТА</p>	FK-117/K1,3,10
		2-бет 2 бетдан

жисмоний шахсларнинг шахсга доир маълумотлари сақланишини ва ошкор қилинмаслигини таъминлаш мажбуриятини ўз зиммасига олади.

«Оферта», «Суғурта шартномаси» ва «Суғурта полиси» ҳаволалари бундан буён матнда мазкур электрон ҳужжатга нисбатан бир хил аҳамиятга эга бўлади.

1-БЎЛИМ. УМУМИЙ ШАРТЛАР

1.1. Асосий тушунчалар:

1.1.1. **Суғурталовчи** – Ўзбекистон Республикасининг қонун ҳужжатларига мувофиқ ва Ўзбекистон Республикаси Молия вазирлигининг Лицензияси асосида суғурта фаолиятини амалга оширадиган «GROSS INSURANCE» МЧЖ.

1.1.2. **Суғурта қилдирувчи** – Суғурталовчи билан Оферта шартларида Суғурта қилиш шартномасини тузган муомалага лаёқатли жисмоний шахс.

1.1.3. **Суғурта полиси** – Суғурта қилдирувчи ва Суғурталовчи ўртасида Оферта шартларида транспорт воситаларини ихтиёрий суғурта қилиш шартномаси тузилганлигини тасдиқловчи ҳужжат. Суғурта полиси Суғурта қилдирувчи томонидан суғурта мукофоти тўлиқ ҳажмда тўланганидан кейин унинг электрон манзилига юборилади. Суғурталовчининг мажбуриятлари Суғурталовчи ва Суғурта қилдирувчи ёки уларнинг ваколатли шахслари томонидан ТВ ни Ташқи кўздан кечириш далолатномаси имзоланган кундан кейинги куни кучга киради.

1.1.4. **Суғурта ҳодисаси** – Суғурта шартномасида назарда тутилган, ҳақиқатда бир вақтда содир бўлган, Суғурта полисида кўрсатилган Суғурта даврида ва Суғурта ҳудудида юз берган битта ёки бир нечта ҳодиса бўлиб, у юз бериши билан Суғурталовчида суғурта товонини тўлаш мажбурияти юзага келади.

1.1.5. **Суғурта даври** – Суғурталовчида суғурта товонини тўлаш мажбуриятлари амал қиладиган вақт даври. Суғурта даври суғурта мукофоти тўланган ва тарафлар томонидан Ташқи кўздан кечириш далолатномаси имзолангандан кейин келадиган кундан эътиборан бошланади ва бир йил давомида амал қиладиган (Суғурта қилдирувчининг хоҳишига кўра суғурта даври танланган суғурта даври учун суғурта мукофоти тўланган ҳолда бир йилдан кам муддатга белгиланиши мумкин).

1.1.6. **Суғурта товони (суғурта тўлови)** – Суғурта шартномасида баён қилинган Суғурта ҳодисаси натижасида юзага келган зарарни қоплаш учун Суғурталовчи томонидан Суғурта суммаси доирасида тўланадиган пул маблағлари суммаси.

1.1.7. **Транспорт воситалари** – ишлаб чиқарувчи корхона бутланишида бўлган, Ўзбекистон Республикасининг қонун ҳужжатларида белгиланган тартибда рўйхатга олинган енгил автомобиллар. Такси хизматларини тақдим этиш мақсадларида фойдаланиладиган, прокатга, ижарага топшириладиган, тест-драйв, мусобақалар учун фойдаланиладиган ТВ суғурта қилишга қабул қилинмайди ва Компания уларни суғурта қилиш учун жавобгар бўлмайди.

1.1.8. **Суғурта қилинган ТВ** – Суғурта полисида кўрсатилган, суғурта ҳимояси тақдим этиладиган ТВ.

1.1.9. **Суғурта пули** – суғурта ҳодисаси (суғурта таваккалчиликлари) юзасидан Суғурта шартномаси билан аниқланадиган ва Суғурта полисида кўрсатилган пул маблағлари суммаси бўлиб, унинг доирасида Суғурталовчи Суғурта қилдирувчига ёки уни олишга ҳақли бўлган бошқа шахсга Суғурта товонини тўлаш мажбуриятини зиммасига олади.

1.1.10. **Персонал суғурта пули** – пул маблағлари суммаси бўлиб, Суғурталовчи унинг доирасида битта шахсга суғурта товонини тўлаш мажбуриятини ўз зиммасига олади ва мазкур сумма Суғурта полисида кўрсатилган суғурта пулини суғурта қилинган ТВ нинг ўтқизиш жойи сонига бўлиш йўли билан аниқланади.

1.1.11. **Суғурта қиймати** – ТВ нинг Суғурта шартномаси тузилган пайтда тарафларнинг келишувига кўра аниқланадиган ва Суғурта шартномаси тузилган кунда ТВ бўлган жойда унинг ҳақиқий (бозор) қийматига тенг бўлган қиймати бўлиб, у билан суғурта манфаати боғлиқ бўлади.

	<p align="center">«AVTO-VIP.ONLINE» ТРАНСПОРТ ВОСИТАЛАРИНИ ИХТИЁРИЙ СУҒУРТА ҚИЛИШ УЧУН ОММАВИЙ ОФЕРТА</p>	<p align="center">FK-117/K1,3,10</p>
		<p align="center">3-бет 3 бетдан</p>

1.1.12. **ТВ нинг нобуд бўлиши (йўқотилиши)** – Суғурта қилинган ТВ ни тиклаш учун харажатлар унинг ҳақиқий (суғурта) қийматига тенг ёки ундан ортиқ бўладиган шикастланиши.

1.1.13. **ТВ нинг шикастланиши** – Суғурта қилинган ТВ га ташқаридан механик ёки жисмоний таъсир ва/ёки Суғурта қилинган ТВ даги ҳар қандай носозлик оқибатида ёнғин ёки портлаш натижасида Суғурта қилинган ТВ нинг алоҳида қисмлари, деталлари, бўлмалари, агрегатларини шикастланиши.

1.1.14. **Транспорт харажатлари** – Суғурта ҳодисаси юз берганидан кейин ТВ шикастланиши оқибатида такси хизматлари ва/ёки транспорт воситасининг ижара ҳақини тўлаш учун Суғурта қилдирувчининг ҳужжатлар билан тасдиқланган сарфлаган қўшимча харажатлари. Суғурталовчи томонидан суғурта ҳодисаси тан олинган тақдирда, транспорт харажатлари мазкур Қоидаларда белгиланган шартларда Суғурта қилдирувчига/Ҳайдовчига қоплаб берилади.

1.1.15. **Такси хизматлари** – ихтисослаштирилган транспорт ташкилотлари томонидан йўловчиларни тижорат асосида ташиш бўйича кўрсатиладиган, мазкур Қоидаларга мувофиқ қопланадиган хизматлар.

1.1.16. **ТВ ни ижарага олиш бўйича хизматлар** – мазкур Қоидаларга мувофиқ қопланадиган ТВ ни ҳақ эвазига белгиланган тартибда вақтинча эгалик қилиш ва фойдаланиш учун тақдим қилиш бўйича хизматлар.

1.1.17. **Техник ёрдам бериш хизмати** – суғурта қилинган ТВ да техник носозликлар юзага келган тақдирда, суғурта қилинган ТВ нинг Ҳайдовчисига кўрсатиладиган хизмат.

1.1.18. **Ҳайдовчи** – ТВ ни бошқариш учун тегишли тоифадаги ҳайдовчилик гувоҳномасига ва Суғурта қилинган ТВ ни бошқариш учун қонуний асосга эга бўлган жисмоний шахс.

1.1.19. **Суғурта қилинган шахслар** – Суғурта қилинган ТВ да суғурта ҳодисаси юз бериши пайтида бўлган ёки унга кираётган (ундан чиқаётган) ҳайдовчи ва йўловчилар.

1.1.20. **Жабрланувчилар** – Суғурта қилинган ТВ дан фойдаланиш чоғида юз берган суғурта ҳодисаси натижасида ҳаётига, соғлиғига зиён ва/ёки мол-мулкига зарар етказилган учинчи шахслар. Бунда Суғурта қилдирувчи, ҳайдовчи ва Суғурта қилинган шахслардан ташқари ҳар қандай шахслар учинчи шахслар деб тан олинади.

1.1.21. **Бахтсиз ҳодиса** – Суғурта қилинган ТВ нинг нобуд бўлиши ёки шикастланиши натижасида ўзи билан Суғурта қилинган шахсларнинг тан жароҳати олишини ёки улар организмнинг ички ва ташқи функцияларининг бошқача тарзда бузилишини ёки уларнинг ўлимини келтириб чиқарган, тўсатдан юз берган қисқа муддатли ташқи ҳодиса.

1.1.22. **ТВЭФЖМСҚ полиси** – «Транспорт воситалари эгаларининг фуқаролик жавобгарлигини мажбурий суғурта қилиш тўғрисида»ги Ўзбекистон Республикасининг Қонунига ва Ўзбекистон Республикаси Вазирлар Маҳкамасининг 2008 йил 24 июндаги 141-сонли Қарори билан тасдиқланган Транспорт воситалари эгаларининг фуқаролик жавобгарлигини мажбурий суғурта қилиш қоидаларига мувофиқ транспорт воситаси эгасининг фуқаролик жавобгарлиги мажбурий суғурта қилиниши амалга оширилишини тасдиқловчи белгиланган намунадаги ҳужжат.

1.1.23. **Суғурта ҳодисаси ҳақида далолатнома** – Суғурталовчи томонидан тузиладиган, Суғурта ҳодисаси юз берганлиги фактини тасдиқлайдиган ва Суғурта товони суммасини белгилайдиган ҳужжат. Суғурта ҳодисаси ҳақидаги далолатнома Суғурталовчининг, Суғурта қилдирувчининг ваколатли вакиллари, шунингдек Суғурта товонини олиш ҳуқуқига эга бошқа шахс томонидан имзоланади.

1.1.24. **Ташқи кўздан кечириш далолатномаси** – Суғурта қилдирувчи ва Суғурталовчининг вакиллари томонидан тузиладиган ва имзоланадиган ҳужжат бўлиб, унда суғурта қилиш бошланишига қадар ТВ да мавжуд бўлган нуқсонлар (агар улар мавжуд бўлса) кўрсатилади ва улар бўйича Суғурталовчи зиммасида мажбуриятлар бўлмайди. Ташқи кўздан кечириш далолатномаси Суғурталовчининг ҳар қандай офисида фақат Суғурта қилдирувчи томонидан Суғурталовчининг вакиллари суғурта полисининг нусхаси ва суғуртага қабул қилинаётган ТВ нинг техник паспорти

	<p align="center">«AVTO-VIP.ONLINE» ТРАНСПОРТ ВОСИТАЛАРИНИ ИХТИЁРИЙ СУҒУРТА ҚИЛИШ УЧУН ОММАВИЙ ОФЕРТА</p>	FK-117/K1,3,10
		4-бет 4 бетдан

тақдим этилганида тузилиши мумкин. ТВ ни ташқи кўздан кечириш далолатномасини тузиш учун Суғурта қилдирувчи Суғурталовчининг Мижозларни қўллаб-қувватлаш марказига 1166 қисқа рақами орқали қўнғироқ қилган ҳолда кўздан кечириш вақти ва жойи ҳақида олдиндан келишиб олиши, ўз фамилияси ва исмини, полис рақамини ва ўзига қулай бўлган кўздан кечириш жойини айтиши зарур.

1.1.25. **Суғурта ҳудуди** – Ўзбекистон Республикасининг ҳудуди.

1.2. Суғурта шартномасини тузиш ва унинг кучга кириши тартиби:

1.2.1. Мазкур суғурта шартномаси Суғурталовчи томонидан Суғурта қилдирувчига суғурта хизматларини сотиш ва кўрсатиш шартларини белгилайдиган электрон ҳужжат бўлиб ҳисобланади;

1.2.2. Суғурта шартномаси (суғурта полиси) Суғурта қилдирувчи томонидан Суғурталовчига ахборот тизимларидан фойдаланган ҳолда тақдим этилган маълумотлар асосида шаклланади;

1.2.3. Суғурта қилдирувчи электрон аризанинг тўлдирилиши шарт бўлган катакларини мустақил ва аризада кўрсатилган ҳужжатларнинг аслидаги маълумотларга қатъий мувофиқ ҳолда тўлдиради;

1.2.4. Суғурта қилдирувчи аризада кўрсатилган ҳужжатларнинг ишончилиги ва аслига тўғри эканлиги учун ўз зиммасига жавобгарликни олади, шунингдек аризада кўрсатилган ҳужжатларни уларнинг аслига мувофиқ бўлмаганида суғурта ҳодисаси юз берган тақдирда, Суғурталовчи суғурта товони тўлашни рад этиш ҳуқуқига эга эканлигига рози бўлади;

1.2.5. Аризада кўрсатилган ва унга киритилган ҳужжатларнинг маълумотлари автоматик равишда Суғурта шартномасига (Суғурта полисига) киритилади.

1.2.6. Суғурта шартномаси тузилишига қадар Суғурта қилдирувчи суғуртага таклиф қилинаётган транспорт воситасининг қийматини кўрсатган ҳолда суғурта тўловини мустақил равишда аниқлаши ва суғурта пулини ҳисоблаб чиқариши мумкин. Бунда суғурта пули уларнинг ҳақиқий қийматидан ошмаслиги керак, ҳақиқий қиймат қуйидагилар асосида аниқланиши мумкин:

- Суғурта шартномаси тузилиши санасида айнан шундай русумдаги ва моделдаги транспорт воситасининг ишлаб чиқарувчи корхона томонидан белгиланган, транспорт воситасининг эскириши катталигига (фоизларда) камайтирилган ҳолда сотиладиган нархи;

- савдо ташкилоти томонидан берилган маълумотнома-ҳисобварақ ёки транспорт воситасини олди-сотти шартномаси;

- мустақил баҳоловчи томонидан амалга оширилган транспорт воситасининг ҳақиқий қийматини баҳолаш.

1.2.7. Суғурта қилдирувчи Суғурталовчининг ахборот тизими ёрдамида транспорт воситасининг турига (русуми ва ишлаб чиқарилган йилига) ва суғурта қопламаларининг танланган вариантларига боғлиқ равишда суғурта пулини мустақил аниқлайди, Суғурталовчининг ахборот тизими эса Суғурта қилдирувчи томонидан кўрсатилган маълумотлардан ва танланган вариантлардан келиб чиқиб, суғурта мукофоти суммасини шакллантиради ҳамда Суғурта қилдирувчи суғурта мукофотининг шакллантирилган суммасига рози бўлган тақдирда, уни тўлашга қадар Суғурта қилдирувчи мазкур Оферта матни билан танишиш мажбуриятини олади.

1.2.8. Суғурта пули суғурта қийматидан паст қилиб белгиланган тақдирда, суғурта ҳодисаси юз берганида Суғурталовчи Ўзбекистон Республикаси Фуқаролик кодексининг 936-моддаси талабларига мувофиқ Суғурта қилдирувчига (Наф олувчига) улар кўрган зарарни суғурта пулини суғурта қийматига нисбатига мутаносиб равишда қоплаб беради.

1.2.9. Офертада ва Қоидаларда таклиф қилинадиган суғурта шартларига рози бўлган тақдирда, Суғурта қилдирувчи Суғурталовчининг ахборот тизимида ўз розилигини тасдиқлайди ва Суғурта шартномасини тузиш учун аризани (бундан буён матнда Ариза деб юритилади) Суғурталовчининг ахборот тизимидан фойдаланган ҳолда онлайн тарзда тўлдиришга киришади.

1.2.10. Аризани тўлдиришда Суғурталовчи учун суғурта ҳодисаси юз бериши эҳтимолини аниқлашда муҳим аҳамиятга эга бўлган барча зарур маълумотларни ва суғурта ҳодисаси юз беришидан кўрилиши мумкин бўлган зарарлар миқдорини (суғурта таваккалчилигини) кўрсатиш

	<p align="center">«AVTO-VIP.ONLINE» ТРАНСПОРТ ВОСИТАЛАРИНИ ИХТИЁРИЙ СУҒУРТА ҚИЛИШ УЧУН ОММАВИЙ ОФЕРТА</p>	<p>FK-117/K1,3,10</p>
		<p>5-бет 5 бетдан</p>

талаб қилинади. Барча маълумотлар ҳужжатларнинг аслига қатъий мувофиқликда кўрсатилиши керак.

1.2.11. Ариза тўлдирилганидан кейин, Суғурталовчининг ахборот тизими томонидан «Суғурта мукофотини тўлаш ва Суғурта полисини расмийлаштириш» тугмасидан фойдаланишга автоматик тарзда рухсат берилади.

1.2.12. Суғурта шартномаси тарафлари Суғурта қилдирувчи томонидан Суғурта полисининг олиниши Суғурта шартномаси (Суғурта полиси) лозим даражада имзоланганлигини тасдиқлайди.

1.2.13. Суғурта қилдирувчининг Суғурта мукофотини тўлаганлиги факти Суғурталовчининг ахборот тизими томонидан тасдиқланган сана мазкур Оммавий оферта акцепт қилинган ва Суғурта шартномаси тузилган санадир.

1.3. Суғурта шартномаси (полислари) бўйича тўловни амалга ошириш тартиби:

1.3.1. Суғурта шартномаси (полиси) бўйича тўловни амалга ошириш Суғурталовчи томонидан қўлланиладиган ахборот (онлайн) тизимларидан фойдаланган ҳолда амалга оширилади;

1.3.2. Тўлов тизимининг ҳимояланган каналига кейинги қайта йўналтириш учун ариза қабул қилинганлигини тасдиқлаш Суғурталовчи томонидан Суғурта қилдирувчи аризани тўлдираётганида кўрсатиб ўтган мобил телефон рақамига СМС-хабарни жўнатиш йўли билан амалга оширилади;

1.3.3. СМС-хабар тасдиқлаш коди билан бирга олинганидан кейин Суғурта қилдирувчи электрон тўлов тизимини танлаши зарур, ундан кейин у суғурта мукофотининг ҳисобланган суммасини Суғурталовчининг ҳисоб рақамига ўтказиш учун танланган тўлов тизимининг сайтига автоматик тарзда қайта йўлланади;

1.3.4. Суғурта полиси қиймати тўланганлиги ҳақидаги тасдиқ олинганидан кейин Суғурталовчининг ахборот тизими Суғурта полисини расмийлаштиришни электрон шаклда автоматик тарзда амалга оширади, уни Суғурта қилдирувчининг электрон почта манзилига йўллайди ва ундан кейин Суғурта полисининг серияси ва рақами, Суғурта полиси электрон тарзда жўнатилганлиги факти ҳақидаги маълумотларни ичига олган СМС-хабар жўнатилиши йўли билан Суғурта қилдирувчини хабардор қилади.

1.3.5. Суғурталовчи Тўлов провайдерининг ҳаракатлари/ҳаракатсизлиги учун, шунингдек Суғурта қилдирувчининг электрон тўловлар тизими ва интернет орқали тўлаш билан боғлиқ зарарлари ва таваккалчиликлари учун жавобгар бўлмайди.

1.3.6. Суғурта мукофотини банк картаси билан тўлаш бевосита Суғурта қилдирувчи (Наф олувчи) – карта эгаси томонидан амалга оширилиши керак. Агар Суғурта қилдирувчи банк картасини тўлов тўлаш учун бошқа шахсга берган бўлса, Суғурта қилдирувчи бу билан боғлиқ барча таваккалчиликларни ўз зиммасига олади ва мазкур ҳолатда суғурта мукофотини тўлаш Суғурта қилдирувчи томонидан амалга оширилган деб ҳисобланишига рози бўлади.

1.3.7. Суғурталовчининг ахборот тизимида «Суғурта мукофотини тўлаш ва Суғурта полисини расмийлаштириш» тугмасини босиш билан, шунингдек шакллантирилган суғурта мукофотини тўлаган ҳолда Оферта йўлланган шахс Ўзбекистон Республикаси Фуқаролик кодексининг 370-моддасига мувофиқ мазкур Оферта шартларига рози эканлигини билдиради.

1.4. Суғурта шартномасини (суғурта полисини) Суғурта қилдирувчининг ташаббусига кўра муддатидан илгари тугатиш. Суғурта мукофотини қайтариш:

1.4.1. Агар Суғурта шартномаси кучга кирганидан кейин суғурта ҳодисаси юз бериши эҳтимоли йўқолса ва суғурта таваккалчилигининг мавжудлиги суғурта ҳодисасидан бошқа ҳолатларга кўра, айнан эса суғурта қилинган мол-мулкнинг суғурта ҳодисаси юз беришидан бошқа сабабларга кўра нобуд бўлганлиги туфайли тугаган бўлса, Суғурта шартномаси ўзи тузилган муддат келишига қадар тугатилади.

1.4.2. Суғурта шартномаси 1.4.1-бандида кўрсатилган ҳолатлар бўйича муддатидан илгари тугатилган тақдирда, Суғурталовчи суғурта мукофотининг суғурта амал қилган вақтга мутаносиб бўлган қисмини олиш ҳуқуқига эга.

	<p align="center">«AVTO-VIP.ONLINE» ТРАНСПОРТ ВОСИТАЛАРИНИ ИХТИЁРИЙ СУҒУРТА ҚИЛИШ УЧУН ОММАВИЙ ОФЕРТА</p>	<p>FK-117/K1,3,10</p>
		<p>6-бет 6 бетдан</p>

1.4.3. Агар рад этиш пайтида суғурта шартномасининг 1.4.1-бандида кўрсатилган ҳолатлар бўйича суғурта ҳодисасини юз бериши эҳтимоли йўқолса, Суғурта қилдирувчи суғурта шартномасини бажаришни исталган вақтда рад этишга ҳақли. Бунда Суғурталовчига тўланган суғурта мукофоти қайтарилмайди.

1.4.4. Суғурта шартномасини (Суғурта полисини) Суғурта қилдирувчининг ташаббусига кўра муддатидан илгари тугатиш Суғурталовчининг манзилига бекор қилиш ҳақидаги ёзма аризани йўллаш орқали амалга оширилади.

1.4.5. Суғурта шартномасини (Суғурта полисини) Суғурта қилдирувчининг ташаббусига кўра муддатидан илгари тугатиш (бир тарафлама тартибда) фақат қонун ҳужжатларида ва суғурта шартномасида назарда тутилган ва йўл қўйилган ҳолларда амалга оширилади.

СУҒУРТАЛОВЧИНИНГ РЕКВИЗИТЛАРИ:

Тўлиқ номи:

«GROSS INSURANCE» Масъулияти чекланган жамияти суғурта компанияси

Почта манзили:

Ўзбекистон Республикаси, Тошкент шаҳри, Амир Темура кўчаси, 1-тор кўча, 6-уй.

Электрон манзили (расмий интернет ресурси/электрон почта):

www.gross.uz / info@gross.uz

Давлат рўйхатидан ўтказилганлиги ҳақида маълумотлар:

Жамият Ўзбекистон Республикаси Адлия вазирлиги томонидан 2011 йилнинг 17 ноябрида 103-сонли реестр рақами билан рўйхатдан ўтказилган.

Лицензия тўғрисида маълумотлар:

Ўзбекистон Республикаси Молия вазирлиги томонидан 2016 йилнинг 25 апрелида СФ 00214-сонли Лицензия берилган.

2-БЎЛИМ. СУҒУРТА ҲОДИСАСИ

2.1. Суғурта даврида ва географик ҳудуд доирасида содир бўлган, юз бериши билан Суғурталовчининг Суғурта товонини тўлаш мажбурияти юзага келадиган қуйидаги битта ёки бир нечта ўзаро боғланган ҳодисалар (суғурта таваккалчиликлари) суғурта ҳодисаси деб тан олинади:

2.1.1. ТВ ни барча таваккалчиликлардан nobуд бўлиши ёки шикастланиши, учинчи шахсларнинг ғайриқонуний ҳаракатлари (жумладан ўғирлаш, талон-торож қилиш, олиб қочиш ва бошқалар);

2.1.2. Суғурта қилинган ТВ дан Суғурта қилдирувчи/Ҳайдовчи томонидан фойдаланиш чоғида учинчи шахсларнинг ҳаётига, соғлиғига зиён ва/ёки мол-мулкига зарар етказганлик учун Суғурта қилдирувчининг/Ҳайдовчининг фуқаролик жавобгарлигини юз бериши;

2.1.3. Офертанинг 2.1.1-бандида назарда тутилган ҳодиса юз бериши натижасида ҳайдовчи ва йўловчиларнинг ҳаёти ва соғлиғига зиён етказилиши;

2.1.4. Офертанинг 2.1.1-бандида назарда тутилган ҳодиса юз бериши натижасида транспорт харажатларининг юзага келиши;

2.1.5. Ёнилғи мавжуд эмаслиги, шина шикастланиши (тешилиши) ёки аккумуляторнинг зарядсизланиши натижасида суғурта қилинган ТВ да техник носозликларнинг юзага келиши.

2.2. Суғурталовчи ишлаб чиқарувчи корхона браки, табиий эскириш ва филдирак шиналарининг шикастланишини қоплаб бермайди (бирок, суғурта ҳодисаси натижасида филдирак шиналарининг шикастланиши суғурта билан қоплаб берилади).

3-БЎЛИМ. СУҒУРТА ПУЛИ ВА СУҒУРТА МУКОФОТИ

	<p align="center">«AVTO-VIP.ONLINE» ТРАНСПОРТ ВОСИТАЛАРИНИ ИХТИЁРИЙ СУҒУРТА ҚИЛИШ УЧУН ОММАВИЙ ОФЕРТА</p>	<p>FK-117/K1,3,10 7-бет 7 бетдан</p>
---	--	--

3.1. Ҳар бир суғурта таваккалчилиги бўйича суғурта суммаси қуйидаги тартибда аниқланади:

3.1.1. Офертанинг 2.1.1-бандида назарда тутилган суғурта таваккалчилиги бўйича суғурта пули Суғурта полиси берилаётган пайтда суғуртага қабул қилинаётган ТВ нинг ҳақиқий (суғурта) қийматига тенг деб белгиланади ва ундан ортиқ бўлмаслиги лозим.

Суғурта қилинган ТВ нинг суғурта суммаси унинг суғурта қийматидан пастроқ белгиланган тақдирда, суғурта қилинган ТВ билан суғурта ҳодисаси юз берганида, Суғурталовчи Ўзбекистон Республикаси Фуқаролик кодекси 936-моддасининг талабларига мувофиқ Суғурта қилдирувчига/ Наф олувчига улар томонидан кўрилган зарарларни суғурта суммасини суғурта қийматига нисбатига мутаносиб равишда қоплаб беради.

3.1.2. Офертанинг 2.1.2-бандида назарда тутилган суғурта таваккалчилиги бўйича суғурта пули 5 000 000 (беш миллион) сўмни ташкил этади.

3.1.3. Офертанинг 2.1.3-бандида назарда тутилган суғурта таваккалчилиги бўйича суғурта пули 10 000 000 (ўн миллион) сўмни ташкил этади. Бунда Суғурталовчининг битта шахсга нисбатан жавобгарлик лимити персонал суғурта пули миқдори билан чекланади.

3.1.4. Офертанинг 2.1.4-бандида назарда тутилган суғурта таваккалчилиги бўйича суғурта пули Суғурта полисида кўрсатилади, у Суғурталовчининг жавобгарлик чегарасини такси хизматлари учун 1 000 000 (бир миллион) сўм миқдорда ва транспорт воситасини ижарага олиш бўйича хизматлар учун 3 000 000 (уч миллион) сўм миқдорда белгилайди.

3.1.5. Офертанинг 2.1.5-бандида назарда тутилган суғурта таваккалчилиги бўйича суғурта пули белгиланмаган ва суғурта ҳодисаси юз берган тақдирда, техник ёрдам хизмати Суғурталовчи ёки Суғурталовчи ҳисобидан ихтисослаштирилган ташкилот томонидан географик ҳудуд доирасида ва суғурта даврида уч мартадан ортиқ бўлмаган ҳолда тақдим этилади.

3.2. Суғурта мукофотининг миқдори Офертанинг 2.1.1-бандида назарда тутилган суғурта таваккалчилиги бўйича суғурта пулининг 2% миқдоридаги суғурта тарифидан келиб чиққан ҳолда аниқланади. Суғурта мукофоти Суғурта полиси берилишига қадар Суғурта қилдирувчи томонидан бир йўла тўлов билан тўланиши керак.

4-БЎЛИМ. ТАРАФЛАРНИНГ ЖАВОБГАРЛИГИ

4.1. Суғурталовчи Суғурта қилдирувчи томонидан ахборот тизимида ҳамма фойдалана оладиган шаклда тақдим этилган маълумотлар учун жавобгар бўлмайди.

4.2. Суғурталовчи унинг ваколати доирасидан ташқарида бўлган ҳодисалар ва ҳолатлар натижасида юзага келган салбий оқибатлар учун, шунингдек учинчи шахсларнинг ҳаракатлари (ҳаракатсизлиги) учун, айнан эса қуйидагилар учун жавобгар бўлмайди:


- Суғурта қилдирувчи томонидан тақдим этилган маълумотлар ва ҳужжатлар ишончсизлиги, етарли бўлмаганлиги ва ўз вақтида берилмаганлиги оқибатида ўз зиммасига олган мажбуриятларни бажариш мумкин бўлмаган ёки Суғурта қилдирувчи томонидан мазкур Оферта шартлари ёки ҳужжатларга талаблар бузилган тақдирда;

- ҳужжатларнинг ҳақиқийлиги ва тўғри расмийлаштирилганлиги (улардаги маълумотларнинг ишончлилиги ва тўлиқлиги) учун;

- алоқа линиялари ишининг бузилиши сабаблари бўйича Суғурта қилдирувчи томонидан полисни расмийлаштириш мумкин бўлмаганда, Суғурта қилдирувчининг ускуналари носоз бўлганида;

- Суғурталовчига боғлиқ бўлмаган сабабларга кўра суғурта қилиш учун тақдим этилаётган транспорт воситасини Кўздан кечириш далолатномаси ўз вақтида расмийлаштирилмаганлиги ва Суғурта полиси ўз вақтида топширилмаганлиги ва бошқалар учун.

4.3. Тарафлар ушбу Оферта бўйича ўз зиммасига олган мажбуриятларни бажармаганлиги ва/ёки лозим даражада бажармаганлиги учун мазкур Офертада ва Ўзбекистон Республикасининг амалдаги қонун ҳужжатларида белгиланган тартибда ва шартларда жавобгар бўлади.

	«AVTO-VIP.ONLINE» ТРАНСПОРТ ВОСИТАЛАРИНИ ИХТИЁРИЙ СУҒУРТА ҚИЛИШ УЧУН ОММАВИЙ ОФЕРТА	FK-117/K1,3,10
		8-бет 8 бетдан

4.4. Енгиб бўлмас куч (форс-мажор) ҳолатлари юз берган тақдирда, Тарафлар ушбу Оферта бўйича ўз зиммасига олган мажбуриятларни бажармаганлиги ёки лозим даражада бажармаганлиги учун жавобгарликдан озод қилинади.

4.5. Мазкур Офертанинг бирор-бир қоидалари суд томонидан ҳақиқий эмас деб тан олинади қолган қоидаларнинг ҳақиқий эмаслигини келтириб чиқармайди.

5-БЎЛИМ. ТАРАФЛАРНИНГ ҲУҚУҚ ВА МАЖБУРИЯТЛАРИ

5.1. Суғурта қилдирувчи/Наф олувчи қуйидаги ҳуқуқларга эга:

- а) Суғурта полиси йўқотилган тақдирда, унинг дубликатини олиш;
- б) Суғурта шартномаси доирасида Суғурталовчи маслаҳатларини олиш;
- в) суғурта ҳодисаси юз берган тақдирда, Суғурталовчидан мазкур Суғурта шартномаси бўйича ўз зиммасига олган мажбуриятларни қонун ҳужжатларида белгиланган тартибда ва ҳажмда бажарилишини талаб қилиш.

5.2. Суғурта қилдирувчи/Наф олувчи қуйидагиларни бажариши шарт:

а) ўзининг ТВ ни Суғурталовчи филиалларининг офисларидан исталганида фото/видео қайд этиш учун тақдим этиши ва Ташқи кўздан кечириш далолатномасини имзолаши, шунингдек Суғурта шартномасида қабул қилинган шартларга, талабларга ва мажбуриятларга риоя қилиши;

б) суғурта қилинган ТВ ни ёнғинга қарши қоидаларга қатъий мувофиқ ҳолда сақлаш, ТВ дан фойдаланишнинг тегишли қоидаларига риоя қилиши;

в) Суғурта шартномаси доирасида суғурта товонини тўлаш талабини Суғурталовчига асослаб бериши мумкин бўлган суғурта ҳодисаси юз берганида, Суғурталовчини бу ҳақда Офертада кўрсатилган исталган усулда хабардор қилиши;

г) Суғурталовчи томонидан даъвони кўриб чиқиш ва регресс талаби ҳуқуқини амалга ошириш мақсадида талаб қилиниши мумкин бўлган барча ҳужжатлар ва тартиб-таомилларнинг Суғурталовчи ҳисобидан бажарилишига рози бўлиши;

д) Суғурта шартномаси доирасида суғурта товонини тўлаш бўйича Суғурталовчига нисбатан талабни юзага келтириши мумкин бўлган суғурта ҳодисаси юз берганида, Офертада кўрсатилган ҳаракатларни амалга ошириши;

е) юзага келган вазиятда эҳтимолий зарардан қутқариш, уни камайтириш ёки унинг олдини олиш бўйича оқилона ва амалга ошириш мумкин бўлган чораларни кўриши. Бундай чораларни кўра туриб, Суғурта қилдирувчи Суғурталовчи кўрсатмаларига, агар бундай кўрсатмалар берилган бўлса, шунингдек Суғурта қилинган ТВ ни ишлаб чиқарган корхона тавсияларига амал қилиши шарт;

ж) воқеа содир бўлган жойда мазкур жойни ва шикастланган ТВ ни тўрт тарафидан, шунингдек салон ичидан (агар салонда шикастланишлар мавжуд бўлса) фото/видео суратга олиши;

з) таъмирлаш-тиклаш ишлари бошланишига қадар, Суғурталовчи билан шикастланган Суғурталовчан ТВ ни кўриқдан ўтказиш жойи, санаси ва вақтини келишиб олиши;

и) агар олиб қочилган ТВ топилган ва/ёки Суғурта қилдирувчига қайтариб берилган бўлса, унинг учун тўланган суғурта товонини Суғурталовчига қайтариши;

к) агар ўғирланган (олиб қочилган) Суғурта қилинган ТВ шикастланган ҳолатда топилган бўлса, Суғурта қилдирувчи илгари олган суғурта товонини баҳолаш ташкилоти томонидан аниқланган ТВ ни тиклаш бўйича харажатларни чиқариб ташлаган ҳолда Суғурталовчига қайтариш мажбуриятини олади;

л) агар Ўзбекистон Республикасининг қонун ҳужжатларида назарда тутилган даъво қилиш муддатлари давомида қонун бўйича ёки Суғурта шартномасига мувофиқ тўлиқ ёки қисман Суғурта қилдирувчининг суғурта товонига бўлган ҳуқуқидан маҳрум қиладиган ҳолатлар аниқланган бўлса, олинган суғурта товонини Суғурталовчига тўлиқ ҳажмда ёки маълум бир қисмда қайтариши шарт.

5.3. Суғурталовчи қуйидаги ҳуқуқларга эга:

	<p align="center">«AVTO-VIP.ONLINE» ТРАНСПОРТ ВОСИТАЛАРИНИ ИХТИЁРИЙ СУҒУРТА ҚИЛИШ УЧУН ОММАВИЙ ОФЕРТА</p>	<p>FK-117/K1,3,10</p>
		<p>9-бет 9 бетдан</p>

а) Суғурта қилдирувчидан ёки суғурта товонини олиш ҳуқуқига эга бошқа шахсдан Суғурта шартномаси ва қонун ҳужжатлари билан уларга юкланган мажбуриятларнинг бажарилишини талаб қилиш;

б) суғурта товонини тўлашни рад этиш, агар:

– Суғурта қилдирувчи/Ҳайдовчи Суғурта қилинган ТВ ва/ёки содир бўлган ҳодиса юзасидан бида туриб ёлғон ва ишончли бўлмаган маълумотларни тақдим қилган бўлса;

– Суғурта қилдирувчи ёки суғурта товонини олиш ҳуқуқига эга бошқа шахс Суғурта шартномаси билан ўзларига юклатилган мажбуриятларни бажармаётган бўлса.

5.4. Суғурталовчи қуйидагиларни бажариши шарт:

а) Суғурта полисини фақат суғурта мукофоти тўланганидан кейин ва Транспорт воситасини ташқи кўрикдан ўтказиш далолатномаси тузилганидан кейин бериши;

б) суғурта ҳодисаси юз берганида суғурта товонини Офертада белгиланган тартибда ва муддатларда тўлаши;

в) Ўзбекистон Республикасининг қонун ҳужжатларига мувофиқ Суғурта қилдирувчи, Ҳайдовчидан олинган ахборотнинг махфийлигига риоя қилиши шарт.

6-БЎЛИМ. СУҒУРТА ҲОДИСАСИНИ КЎРИБ ЧИҚИШ

6.1. Суғурта ҳодисаси юз берганида, Суғурта қилдирувчи ёки Суғурта товонини олиш ҳуқуқига эга бошқа шахс қуйидагиларни бажариши шарт:

– дарҳол бу ҳақда Суғурталовчига ҳар қандай мавжуд усул билан (телефон рақами, электрон хат, факс ва ҳ.к орқали) хабар бериши;

– ҳодиса ҳақида дарҳол ваколатли органларга (ЙХХБ, ЁХБ, ИИБ ва бошқаларга) Ўзбекистон Республикасининг қонун ҳужжатларида назарда тутилган тартибда ариза бериши;

– Суғурталовчининг вакилига шикастланган Суғурта қилинган ТВ ни суғурта ҳодисаси юз берган пайтда кўрикдан ўтказиш учун тақдим қилиши;

– шикастланган ТВ ни Суғурталовчининг вакили етиб келишига қадар жойини ўзгартирмаслиги, бундан ҳуқуқни муҳофаза қилиш органларининг вакиллари томонидан ёки жабрланган шахсларни қутқариш учун талаб қилинган ҳоллар мустасно.

6.2. Суғурта товонини тўлаш ҳақидаги масалани кўриб чиқиш учун Суғурталовчи ёки бошқа ваколатли шахс юз берган ҳодисанинг ҳолатларини аниқлаш ва етказилган зарар миқдорини белгилаш учун зарур бўлган ҳужжатларни йиғишда Суғурта қилдирувчига ёрдам беради.

6.3. Суғурта қилдирувчи Суғурталовчининг талабига кўра унга суғурта даъвосини кўриб чиқиш ва тартибга солишда, шунингдек айбдор тарафдан зарарни қоплашни талаб қилиш ҳуқуқини амалга оширишда Суғурта қилдирувчининг манфаатларини ҳимоя қилиш ҳуқуқи учун ёзма ишончнома бериши шарт.

6.4. Суғурталовчини суғурта ҳодисаси ҳақида ўз вақтида хабардор қилинмаган ёки ҳодиса жойига Суғурталовчининг вакили чақирилмаган тақдирда, Суғурта қилдирувчи ёки Наф олувчи қуйидаги ҳужжатларни тақдим этиши шарт:

6.4.1. Мазкур Қоидаларнинг 2.1.1-бандида назарда тутилган суғурта ҳодисасида:

а) суғурта полиси ёки унинг нусхаси;

б) юз берган ҳодисанинг ҳолатларини текширишга ваколати бўлган тегишли органлардан ҳодиса сабаблари ва тафсилотлари кўрсатилган ҳолда олинган материаллар (қарор, айблов хулосаси, суд қарори ёки бошқалар);

в) Суғурта қилинган ТВ рўйхатдан ўтказилганлиги тўғрисидаги гувоҳнома (техник паспорт) нусхаси, агар у Суғурта қилинган ТВ билан бирга ўғирланмаган ёки ёнғин вақтида ёниб кетмаган бўлса;

г) Ҳайдовчининг паспорти ёки шахсини тасдиқловчи бошқа ҳужжати, суғурта қилинган ТВ ни эгасининг номидан бошқариш ҳуқуқи учун ишончнома ёки ишончномага тенглаштирилган бошқа

	<p align="center">«AVTO-VIP.ONLINE» ТРАНСПОРТ ВОСИТАЛАРИНИ ИХТИЁРИЙ СУҒУРТА ҚИЛИШ УЧУН ОММАВИЙ ОФЕРТА</p>	FK-117/K1,3,10
		10-бет 10 бетдан

хужжатнинг нусхалари;

д) Суғурталовчининг танловига кўра, Суғурта қилинган ТВ ни тиклаш учун зарур бўлган барча ишлар рўйхати, эҳтиёт қисмлар ва материалларни кўрсатган ҳолда баҳоловчи ташкилот томонидан тузилган моддий зарарни баҳолаш учун калькуляция/ҳисобот ёки наряд-буйуртманинг/техник хизмат кўрсатиш станциясининг нуқсонлар далолатномасининг асли. Зарар миқдори мазкур Офертанинг 2.1.1-банди бўйича белгиланган суғурта пулининг 5% (беш фоиздан) ошмаган ва зарар учинчи шахслар иштирокида ЙТХ, ёнғин, портлаш натижасида етказилмаган тақдирда, мазкур банднинг «б» кичик бандида кўрсатилган хужжатларни тақдим этиш шарт эмас.

6.4.2. Офертанинг 2.1.2-бандида назарда тутилган суғурта ҳодисасида:

а) тегишли суднинг қонуний кучга кирган қарори ёки ҳукми;

б) учинчи шахсларларнинг шахсини тасдиқловчи хужжатлар;

в) транспорт воситалари эгаларининг фуқаролик жавобгарлигини мажбурий суғурта қилиш полисининг нусхаси.

6.4.3. Офертанинг 2.1.3-бандида назарда тутилган суғурта ҳодисасида:

а) (ҳайдовчи ва/ёки йўловчиларнинг) суд-тиббиёт экспертизаси хулосасининг нусхаси;

б) суғурта ҳодисаси юз берганидан кейин биринчи тиббий ёрдам кўрсатган тиббиёт, даволаш муассасаларининг хужжатлари (ҳайдовчи ва/ёки йўловчининг касаллик тарихидан кўчирма);

в) ҳайдовчи, йўловчи ва/ёки меросхўрларнинг шахсини тасдиқловчи хужжатларнинг нусхалари;

г) ҳайдовчи ва/ёки йўловчи вафот этган тақдирда – ўлим ҳақидаги гувоҳнома нусхаси.

6.4.4. Офертанинг 2.1.4-бандида назарда тутилган суғурта ҳодисаси юз бериши муносабати билан Суғурта қилдирувчининг суғурта товонини тўлаш ҳақидаги талабларини (транспорт харажатларини) кўриб чиқиш учун, Суғурта қилдирувчи ўзига такси хизматлари ва/ёки ТВ ни ижарага олиш хизматлари кўрсатилганлиги фактини тасдиқловчи хужжатларни (шартномалар, квитанциялар, ҳисоб-варақ фактуралар ва бошқаларни) тақдим қилиши керак.

Содир бўлган ҳодиса ҳолатларини аниқлаш мақсадида Суғурталовчи Суғурта қилдирувчидан суғурта ҳодисасига тааллуқли бўлган бошқа хужжатларни ҳам талаб қилиш ҳуқуқига эга.

6.5. Суғурталовчи ўз вақтида хабардор қилинганида тўпланган материалларга асосланган ҳолда суғурта ҳодисаси юз берган кундан эътиборан 5 (беш) кундан кечикмай суғурта ҳодисасини тан олиш ёки тан олмаслик ҳақида қарор қабул қилади. Суғурта ҳодисаси ҳақида ўз вақтида хабар берилмаган тақдирда, суғурта товонини тўлаш ҳақидаги талаб билан мурожаат қилинган пайтдан эътиборан 15 (ўн беш) кун ичида қарор қабул қилинади. Суғурталовчи томонидан суғурта ҳодисаси тан олинган тақдирда, Суғурта ҳодисаси ҳақидаги далолатнома тузилади, унда тўланиши лозим бўлган суғурта товони суммаси белгиланади.

6.6. Суғурта ҳодисаси тан олинмаган тақдирда, Суғурталовчининг суғурта товони тўлашни рад этиш ҳақидаги қарори суғурта товонини тўлаш ҳақидаги талаб билан мурожаат қилинган пайтдан эътиборан 15 (ўн беш) кундан кечикмай Суғурта қилдирувчига/Наф олувчига ёзма равишда хабар қилинади ва у рад этиш асослантирилган сабабларни ичига олиши керак.

7-БЎЛИМ. СУҒУРТА ТОВОНИНИ ТЎЛАШ ТАРТИБИ

7.1. Суғурта ҳодисаси тан олинганидан кейин ва ТВ шикастланганда, талон-торож қилинганда ёки нобуд бўлганда, суғурта товони кўрилган зарар миқдорида, аммо Суғурта полисида кўрсатилган суғурта пулидан ортиқ бўлмаган ҳолда белгиланади.

7.2. Суғурта қилинган ТВ тўлиқ нобуд бўлганда, илгари амалга оширилган тўловларни чегириб ташланган ҳолда Суғурталовчи зарарни ўз хоҳишига кўра суғурта пули миқдорида қоплаб беради ёки ўз ҳисобидан худди шундай русумдаги ва ишлаб чиқарилган йилдаги ТВ ни ташқи нуқсонларсиз техник соз ҳолатда тақдим этади. Бунда шикастланган суғурта қилинган ТВ Суғурталовчига берилиши лозим.

	<p align="center">«AVTO-VIP.ONLINE» ТРАНСПОРТ ВОСИТАЛАРИНИ ИХТИЁРИЙ СУҒУРТА ҚИЛИШ УЧУН ОММАВИЙ ОФЕРТА</p>	<p align="center">FK-117/K1,3,10</p>
		<p align="center">11-бет 11 бетдан</p>

7.3. Суғурта қилинган ТВ шикастланганда Наф олувчининг хоҳишига қараб Суғурталовчи Суғурта қилинган ТВ таъмирланишини ташкил қилади ёки баҳолаш ташкилоти томонидан тузилган моддий зарарни баҳолаш ҳақидаги ҳисоботга биноан Суғурта қилинган ТВ ни тиклаш таъмирланишини ўтказиш учун зарур бўлган миқдорда нақд пулсиз тартибда пул маблағлари билан суғурта товонини тўлайди.

Бунда Суғурталовчи суғурта товонини тўлаш билан бир қаторда суғурта қилинган ТВ га етказилган зарарни баҳолаш билан боғлиқ ҳужжатлар билан тасдиқланган харажатларни суғурта пули доирасида, шунингдек суғурта қилинган ТВ техник носоз бўлганда ёки шикастланганда транспортировка (эвакуация) қилишга доир харажатларни суғурта товони тўланиши санасида белгиланган базавий ҳисоблаш миқдорининг икки барабар миқдори доирасида қоплаб беради.

7.4. Офертанинг 2.1.2-бандида назарда тутилган суғурта ҳодисаси юз бериши муносабати билан тўланадиган суғурта товони фуқаролик мажбурияти бўйича суднинг қарори билан чиқарилган сумма ва ТВЭФЖМСҚ полиси бўйича жабрланувчилар олиши учун белгиланган суғурта товони суммаси ўртасидаги фарққа тенг бўлган суммада аниқланади ва қуйидаги тартибда аниқланади:

7.4.1. Учинчи шахсларнинг (жабрланувчининг) ҳаёти ёки соғлиғига зиён етказилиши натижасида суғурта товонининг миқдори Транспорт воситалари эгаларининг фуқаролик жавобгарлигини мажбурий суғурталаш қоидалари билан тасдиқланган Жабрланганнинг ҳаёти ёки соғлиғига етказилган зарарни қоплаш бўйича тўловлар жадвалига (Ўзбекистон Республикаси Вазирлар Маҳкамасининг 2008 йил 24 июндаги 141-сонли қарори билан тасдиқланган ТВЭФЖМСҚ қоидаларига 7-илова, бундан буён Тўловлар жадвали деб юритилади) биноан белгиланади. Бир нечта учинчи шахсларнинг соғлиғи ва ҳаётига зиён етказилган тақдирда, уларнинг ҳар бири учун суғурта товонининг миқдори, ҳар бир учинчи шахснинг ҳаёти ёки соғлиғига етказилган зиённинг даражасига мутаносиб равишда, аммо автофуқаролик жавобгарлиги учун Суғурта полисида белгиланган суғурта пулидан ортиқ бўлмаган миқдорда аниқланади.

7.4.2. Учинчи шахсга моддий зарар етказилган тақдирда, Суғурта қилдирувчи томонидан учинчи шахсга етказилган моддий зарар миқдорида, Суғурта қилдирувчига суд қарори билан белгиланган суммада, аммо Суғурта полисида фуқаролик жавобгарлиги учун белгиланган суғурта пулидан ортиқ бўлмаган ҳолда, ТВЭФЖМСҚ Полиси бўйича олган суғурта товонини чегириб ташлаган ҳолда белгиланади. Бир нечта учинчи шахсларнинг мол-мулкига зарар етказилган тақдирда, учинчи шахсларнинг ҳар бирига суғурта товонининг миқдори учинчи шахс мулкига етказилган зарарга мутаносиб равишда, Суғурта полисида автофуқаролик жавобгарлиги учун белгиланган суғурта пулидан ортиқ бўлмаган миқдорда аниқланади.

7.5. Ҳайдовчи ва йўловчиларнинг ҳаёти ва соғлиғига зиён етказилган тақдирда, суғурта товонининг миқдори қуйидаги тартибда аниқланади:

- енгил даражадаги тан жароҳати учун – персонал суғурта пулидан 25% миқдорда;
- ўртача даражадаги тан жароҳати учун – персонал суғурта пулидан 50% миқдорда;
- оғир даражадаги тан жароҳати учун – персонал суғурта пулидан 75% миқдорда;
- вафот этган тақдирда – персонал суғурта пулидан 100% миқдорда.

7.6. Суғурта қилинган ТВ техник носоз бўлган тақдирда, Суғурталовчи қуйидаги техник ёрдам хизматлари кўрсатилишини текинга ташкил қилади:

– **Ёқилғини етказиб бериш** – агар транспорт воситасида йўлда кетаётган пайтда ёқилғи тугаб қолса, транспорт воситасининг қонуний фойдаланувчиси энг яқин ёнилғи қуйиш шахобчасига етиб олиш учун етарли бўлган миқдорда ёқилғи етказиб берилади;

– **Двигателни юритиб бериш** – агар суғурта қилинган ТВ да аккумулятор заряди тугаса, моторни ишга тушириш симлари (ёки бошқа технологик усуллар) ёрдамида юритиб бериш. Агар двигателни аккумулятор батереясининг қўвватига боғлиқ бўлмаган бошқа сабабларга кўра юритиб бўлмаса, суғурта қилинган ТВ энг яқин орада жойлашган автосервисга ёки энг яқин орада жойлашган кўриқладиган автомобил турар жойига қадар олиб борилади;

	«AVTO-VIP.ONLINE» ТРАНСПОРТ ВОСИТАЛАРИНИ ИХТИЁРИЙ СУҒУРТА ҚИЛИШ УЧУН ОММАВИЙ ОФЕРТА	FK-117/K1,3,10
		12-бет 12 бетдан

– **Ғилдиракни алмаштириш** – шикастланган ғилдиракни суғурта қилинган ТВ даги захира ғилдирагига алмаштириш. Ғилдиракни алмаштириш мумкин бўлмаган ҳолларда, суғурта қилинган ТВ энг яқин орада жойлашган автосервисга ёки энг яқин орада жойлашган қўриқладиган автомобил турар жойига қадар олиб борилади.

7.7. Суғурта қилинган ТВ шикастланиши натижасида унда таъмирлаш-тиклаш ишлари ўтказилиши даврида юзага келган транспорт харажатлари Наф олувчига қуйидаги тартибда қоплаб берилади:

«Такси хизмати» бўйича: Суғурталовчи Наф олувчининг харажатларини такси хизмати учун белгиланган суғурта пули миқдоридан ҳар бир фойдаланган кун учун 1/30 қисми чегарасида ва суғурта қилинган ТВ да таъмирлаш-тиклаш ишлари якунладиган кунга қадар, аммо 30 кундан ортиқ бўлмаган ҳолда қоплаб беради. Суғурта қилинган ТВ ни топшириш далолатномаси таъмирлаш-тиклаш ишлари якунланишини тасдиқлайдиган ҳужжат бўлиб ҳисобланади;

«Транспорт воситасини ижарага олиш хизмати» бўйича: Суғурталовчи транспорт воситасининг ижара тўловини тўлаш бўйича Наф олувчининг харажатларини Суғурта полисида транспорт воситасини ижарага олиш хизмати учун белгиланган суғурта пули доирасида, такси хизмати учун белгиланган муддат тугагандан кейин 30 кундан ортиқ бўлмаган даврга ва суғурта қилинган ТВ да таъмирлаш-тиклаш ишлари якунладиган кунга қадар қоплаб беради. Суғурта қилинган ТВ ни Суғурта қилдирувчига топшириш далолатномаси таъмирлаш-тиклаш ишлари якунланишини тасдиқлайдиган ҳужжат бўлиб ҳисобланади.

7.8. Суғурталовчи томонидан суғурта товони Суғурта ҳодисаси тўғрисидаги далолатнома имзоланган пайтдан эътиборан 3 (уч) кун ичида Наф олувчининг банкдаги ҳисоб рақамига пул маблағларини ўтказиш йўли билан тўланади.

7.9. Суғурталовчи томонидан суғурта ҳодисаси натижасида юзага келган зарарни (зиённи) қоплаш учун амалга оширилган ҳар бир тўлов ёки таъмирлаш-тиклаш ишларининг қиймати суғурта пулини бундай тўлов суммасига камайтиради.

8-БЎЛИМ. БОШҚА ШАРТЛАР

8.1. Тарафлар ўз зиммасига олган мажбуриятларни бажармаганлиги ёки лозим даражада бажармаганлиги учун Ўзбекистон Республикасининг қонун ҳужжатларига мувофиқ жавобгар бўлади.

8.2. Суғурта натижасида қопланган зарарни етказилишига жавобгар бўлган шахсга нисбатан Суғурта қилдирувчининг талаб қилиш ҳуқуқи суғурта товонини тўлаган Суғурталовчига у томонидан тўланган сумма доирасида ўтади. Суғурта қилдирувчи Суғурталовчига барча ҳужжатлар ва далилларни бериши ва Суғурталовчига ўтган талаб қилиш ҳуқуқини у томонидан амалга ошириш учун зарур бўлган барча маълумотларни хабар қилиши шарт.

8.3. Агар Суғурта қилдирувчи Суғурталовчи томонидан қопланган зарарни етказилишига жавобгар бўлган шахсга нисбатан ўзининг талаб қилиш ҳуқуқидан воз кечган бўлса ёки мазкур ҳуқуқни Суғурта қилдирувчининг айбига қўра амалга ошириш мумкин бўлмаса, Суғурталовчи суғурта товонини тўлашдан тўлиқ ёки тегишли қисмида озод қилинади ва ортиқча тўланган товон суммаси қайтарилишини талаб қилишга ҳақли бўлади.

8.4. Суғурта шартномасидан келиб чиққан барча низолар ва келишмовчиликлар тарафларнинг музокаралари йўли билан ҳал қилинади, музокаралар йўли билан келишувга эришилмаган тақдирда, Ўзбекистон Республикасининг қонун ҳужжатларида назарда тутилган тартибда ҳал қилинади.

«Қабул қилиш»

«Бекор қилиш»